

SAN MARTIN

Dilan dles ofertes en memoria dla defunta Maria Alfreider Zingerle da pert dla dita Manuel Moling; familia Tavella da Prousch Tor; Guido, Pia y Ludmilla; Irene, Eduard y Carla por la dilija; y da Teresa Pedevilla por la capela da Ju.

Dala oferta de San Cristofe ál gnü ite 1.122,26 euro; bel dilan!

L'Uniun dles Ēres inviëia bel dötes les families/ciases da arjigné le ciüf por Santa Maria dal Ciüf y da le porté te dilija. Tignun inant chësta bela usanza!

Dilan de cör ti dij Hubert da Sorega a düc chi che l'á daide pro le medefüch dantadöt ai Stödafüch da San Martin, a chi da Lungiarü, Antermëia y Al Plan, ala Crusc Blanca, a chi che á telefoné do aiüt y por vigni aiüt y sorvisc.

LUNGIARÜ

Les families vëgn dër bel inviades da porté en Santa Maria dal Ciüf le cëst cun erbes bel informí cun ciüfs a benedí. I orun tigní alalt chësta bela usanza!

Les Ēres dla Uniun di Seniors da Lungiarü liëia de pici strausc, i porta a benedí en Santa Maria dal Ciüf y i partësc fora do Mëssa ala jënt.

Le grup First Responder da Lungiarü, cun 26 voluntars, mët man ai 08 d'agost súa ativité. Chisc á fat la formaziun por pité le pröm aiüt a porsones te situaziuns de emergënza, aspetan ch'al röies spo adalerch la Crusc Blanca. N te' grup pó gní metü sò ti paisc olache la Crusc Blanca á plü de 20 menüc da ruvé söl post de intervënt. I first responder vëgn alarmá tres la zentrala de emergënza 112. N gran dilan al' aministraziun de comun che sostëgn le grup.

La Ciasa de Palsa á daurí danü la bandida por n/na diretor/ia. Por tó pert ala seleziun ciarede www.ciasadepalsa.it. La domanda é sëgn da dé jö ti ofizi dla Ciasa de Palsa cina ai 03 de setëmbre 2021 dales 12.00. Info: 0474 524783.

Ciasa de Palsa: al é gnü scrit fora n concurs publich tres mobilité d'antan aministraziuns publiches por curí 6 (sis) posc de rode da infermier/a profesional/a (profil profesional n. 64), de chisc 2 posc a tēmp parzial 50% (19 ores al'edema), 2 posc a tēmp parzial 63,16% (24 ores al' edema) y 2 posc a tēmp plēgn tla 7^ater cualifica funzionala. I posc é reservá al grup linguistich ladin. Al vëgn ghiré l'atestat de trilinguism B2 (ex B).

Les domandes de amisciun ai consursc mëss gní scrites sön le formular ch'an ciafa ti ofizi dla Ciasa de Palsa o pó gní desciariá da www.ciasadepalsa.it. I formulars scric fora mëss gní dá jö ti ofizi dla Ciasa de Palsa Ojöp Frëinademetz a San Martin de Tor cina ai 10.09.2021 dales 12.00h

Jöbia, 12 d'agost, dales 21.00: Conzert dla Musiga da San Martin sön plaza dla scora a Lungiarü. Da bur tēmp vëgn le conzert desdit.

Vëndres, 13 d'agost, dales 21.00: SMACH Film Club tla Val dl' Ert cun le film "In viaggio verso un sogno". da bur tēmp vëgn la manifestaziun desdita.

Ai 15 d'agost é l' Stödafüch da San Martin che arjigna ca dales 10.00 ales 20.00 tutres, galüc, pommes, bires y boandes da se tó do. Präibel apostede danfora, la marëna cina les 10.00 y la cëna cina les 16.00 por telefon 377 39 46 679. "Frühschoppen" dales 10.00 inant por chi che á le Greenpass.



www.valbadiaonline.it/comunite

Plata dles Ploanies San Martin y Lungiarü

ploan Klaus Sottas 344 15 54 055 - klstotsas@rolmail.net

siur curat Heinrich Perathoner 339 65 74 213

redaziun: anton.gasser@rolmail.net - 348 27 44 517 / 0474 523 194



08.08. - 15.08.21 nr. 37

19^a DOMËNIA IA POR L'ANN B

Vangele do Jan 6,41- 51

Te chël tēmp ti á Gejú dit ai iüdes:

Amen, amen, i ves diji:

Chël che crëi à la vita eterna.

Iö sun le pan dla vita.

Üsc peri à mangé la manna tl desert y é morc.

⁵⁰Mo cun le pan che vëgn jö dal cil éra insciö:

Sce zacai nen mangia de chël, ne mörel nia.

Iö sun le pan vi,

che é gnü jö dal cil.

Chël che mangia de chësc pan,

viarà tl'eternité.

Le pan che iö darà é mia cern,

i la dà ca por la vita dl monn.



*Canche Gejú á dit chësc, fossi sté dër ion dailó
y ess ion odü coche Gejú ciarâ fora te chël momënt
y coche les parores fora de súa bocia sonâ.*

Pro la fede aldel gonot deplü lapró co ma lí de beles frases.

I ess ince ion odü la belëza dl'espresciun de Gejú y aldí l'armonia de so sonn.

Al messâ ester dër bel canche Gejú dijô chësc.

Ince sce les parores instësses é beles, tan plü bun aráres mo soné?

Ares á n contignü fora de mosöra: Chël che crëi á bele!

*Tö che t'es chiló dan me, che te m'ascutes, che te me ciales,
che te crëies te me, - tö as bele la vita eterna.*

*Te n'as nia plü bria da aspeté do val', te n'as gnanca bria da te temëi dala mort,
deache t'as bele la vita eterna. - Al basta che te i dijes de scé a Gejú,
spo vireste tl spirit de so amur. Y cun l'amur mët man la vita eterna. (Image)*

EDEMA	SAN MARTIN	LUNGIARÜ	 Sce sön trus nüs Idî s’invieia spo ede l’ardimënt da jí, ciodiche vita ó dí vëia da jí y ne s’indormedí. Da canch’ alalt al cil se mostra döt en corú so erch tan bel, n’él tröc che pëia altafora söi trus tl vers dl règn noel. Cherded’ ti trus che Dî ves deura, ciared’ incërch cun atenziun; al ó ch’i sëise por süa tera de ütl ý benédisciun. Da chël ch’i eis ciafé laota so fle tles vënes de osc sanch, a d’ël, olach’al ves adora, ma jidi do, al vá pö dant. Por í trus nüs che Dî ves ürtia fidesse, piede do süa man, instës ves vëgnel adincuntra y fistidiëia por doman. La fede ion inant ves portes dal tëmp spo ia tl’eternité. Y al lomines da sües portes sön os de Dî l’imensité. <i>tg</i> (do Kl. P. Hertzsch)
08.08.21 19ª DOMÈNIA - ann B	9.00 Corona por vocaziuns 9.30 Gran Mëssa por la comunité cun benedisciun dl tëmp + siur Vito Rubatscher a d’intenziun por i püri de rengraz. da pert de Hubert Planatscher	7.55 Corona 8.15 Gran Mëssa por la comunité cun benedisciun dl tëmp 15.00 Corona tla capela de S. Ojöp Fr.	
09.08.21 Lönesc <i>Edith Stein - patrona d'Europa</i>			
10.08.21 Dedolönesc <i>Laurënz, Astrid, Filomena</i>	19.00 Mëssa vis y def. families Prousch y Perathoner + + Hermann y Zilia Prousch		
11.08.21 Dedemesaledema <i>Clara d'Assisi, Susanna, Rafael</i>		7.30 Mëssa ++ fam. Angelo y Clara Ferdigg y fam. Loise Frenademetz + Vito Clara	
12.08.21 Jöbia <i>Giovanna Franzisca</i>	7.30 Mëssa + Elena Rubatscher Zingerle vis y def. fam. Maria Trebo, Tor Corona por Vocaziuns		
13.08.21 Vëndres <i>Iaco Gapp, Ciascian, Ipolit</i>	18.30 Adoraziun chîta 19.00 Adoraziun deboriada	7.30 Mëssa por les püres Animes en onú de Sant Antone Abat	
14.08.21 Sabeda <i>Maximilian Maria Kolbe</i>	20.00 Mëssa prefestia + Maria Dapunt Erlacher + + Paul y Maria Graffonara Benedisciun dl tëmp	18.30 Mëssa prefestia + Scimun Mischi + + aniv. Mariangel y Iudita Clara + Paul Daporta	
15.08.20 SANTA MARIA DAL CIÜF <i>Assunta</i>	9.00 Corona 9.30 Mëssa solëna por la Comunité y benedisciun dl ciüf Prozesciun incër dlijia y benedisciun 18.00 Funziun a Santa Maria	7.55 Corona 8.15 Mëssa solëna por la comunité en onur de Santa Maria benedisciun dl ciüf y benedisciun dl tëmp 15.00 Corona tla capela de S. Ojöp Fr.	